

養浩齋詩續稿

養浩齋續彙詩評

男連

理

孫本

稜字

平湖徐辛菴宗伯士芬曰丹盟先生學問經濟芬所素  
服近讀養浩齋詩風格道上寄託深遠各體無美不備  
洵可追古作者其原本性真生氣空涌一種忠愛之忱  
孝友之思與夫持身經世之學無不流露使誦詩者如  
見其人益知詩者性情之事非可藻飾爲也

石埭沈槐卿司馬

衍慶

道光辛丑至務關題養浩齋集

曰天授如椽筆長扶大雅輪發言皆道氣知已兩賢人

謂江文端公敷政象之父摘奸明若神泰山瞻望處風

骨最嶙峋十載辯香祝登堂今憾遲才華不世出經術  
信吾師期許在千古縱談傾一卮雪花潔復潔相映素  
心披咸豐壬子自鄱陽寄牋曰近讀江茫茫五首思深  
慮遠議論警透直可作名臣奏疏讀酬答林文忠公諸  
作情文斐亶而憂

國憂民同一鼻孔出氣

元和張詠仙明府

羣辰

曰先生詩無一語直無一語陳

無一字湊無一字假無一筆懈無一筆平無一句不響  
亮無一句不自然無一首不恰稱題中無一首不舉頭  
天外信乎化不可爲已又寄歲曰比聞台從引疾還山

上游固留不得自來大儒名臣未能盡竟其用天若有成例焉者但讀先生詩文每於後路益勁知事業晚節尤隆東山霖雨重潤蒼生引領望之

從姪穆堂比部

過齋

曰吾叔示詩文法要字字站得穩

人推不動句句飛得起人捉不住筆筆轉得神人猜不著然如海上三神山可望而不可即

錢塘楊譜香

尙觀

讀養浩齋詩題曰好風從南來吹我

閩門遊春過二月半輕寒襲敝裘一燈熒熒然花蕊垂櫻瘤我持養浩詩高唱低吟謳屈折穿曲珠蘄截揮吳鉤斷獄如老吏深隱罔弗搜切脈如良醫臟腑罔弗周

聳秀如泰華餘峰皆低頭驚濤如黃河百川皆支流有  
如逢大敵退走曳戈矛又如對大賓衆口不敢咻我心  
益以下我氣益以柔將效其笑顰毋乃東施儔將學其  
莊嚴恐貽夫人羞是時羣籟息長巷聞更籌拍案欲叫  
絕怕招睡者尤惟當繡佛拜五體向地投膽瓶浸梅花  
宵深香更幽層樓入明月萬里清光浮乃始恍然悟是  
公前身脩

望江倪蓮舫方伯

良耀

曰養浩齋今之浣花草堂也然

浣花人稱詩史而贊房瑄嚴武諸人詞過其實養浩齋  
事皆實錄藻不妄摠開合縱橫歸於一是其下筆之低

昂輕重字字從戩上稱公真是董狐信史

宿遷熾牧菴觀察

紆青

曰吾師古今體詩不可及處在

一切字每贈一人寫一景書一專詞意確當惟妙惟肖他處不能移掇此爲自來詩家所無而又有神無迹筆筆凌空渾浩流轉不可方物其排律亦復如是詩聖詩仙夫子兼之矣

湘潭黎樾喬侍御

光曙

曰自來工文章者多不工詩賦

工詩賦者多不工文章工文章詩賦者多不嫻政事孰是明體達用象美具備如吾丹盟同年者殆天生之以爲我

朝鼓吹休明潤色鴻業百敷

養浩齋詩續彙卷一

貴池桂超萬桂鹽

題戴惜初司馬凝之望雲圖

司馬金陵舉入官正定同知圖係從軍關陝假  
館燕都時作其人誠篤修潔題以贈之

陟彼終南翹望江雲雲中扶杖眷念征人森森陰壑豺  
虎所屯磨盾擊刺尙愼其身陟彼燕山翹望江雲雲車  
恣現旌旆綴綵願賜繩梯見雲之君須臾迷失天高莫  
捫淒風蕭瑟啼鳥酸辛不堪回首我亦解民

于役易州馮鑑塘文學

滄泉遣次子受學并



贈詩答之

君抱梅花骨清幽不受緇陰還鳴鶴子飛必擇龍枝客  
况朔風冷交情明月知易河流皎潔浣手誦新詩

題鄧樵香刺史

詳麟

春窗叢翠圖

自云隨任  
海州時作

吟窗刻翠記河干時喜晨昏奉子安一幅淮南春色好  
知君郁作蓼莪看

庚子秋聞天津近事四首

水師剛設又輕裁海外鉦鳴戰艦來多少謀臣思借箸  
相公高閣幾時閒

兩月札  
門謝客

關閣終朝何所思畏夷如虎猶夷師寇兵遍啖牛羊

是我材官竈冷時

武職自備資斧

炮臺高築百囊鹽不設兵房不遠覬福將果然神護衛  
也須刁斗更森嚴

潛鬻洋煙長惡氣微聞許地達殷勤繫帆一片頭纔掉

下令如雷命散垣

冰銷多領節相資本者時使售買鴉烟次年致仕貴侍郎奏弛烟禁有所

受之也

辛丑豐潤黑沿子防海四首

海上鯨鯢一井蛙欲掀波浪妄張牙騰空憾少袁公劍  
紆難慚無楚相家境內溝阬堪陷馬杯中弓影莫驚蛇  
深宵何用銜枚令畫角聲聲靜不譁

九旬離署宿蓬茅文武同心廉藺交三百魯人微虎奮  
六千越士范蠡教墨雲堆檄朝磨盾寒月鳴砮夜執鏡  
我與一軍甘苦共投醪分飲水中泡

千門盡使習戎行家志成城孰敢當壯士猶龍能伏水

漁家打鴨有排槍

募得打鴨槍四十餘杆

攻船用火腰三箭禦礮

盛沙面百囊合舞寶刀光似雪本來軍令肅如霜

望洋忽報萬燈青夜枕干戈夢乍醒龍旂千重看閃閃

蜃樓百丈照熒熒人驚寇焰飛如電我悟神光散作星

來鎮一方爲稻曬遠驅羣醜救生靈

八月廿六夜海燈萬盞達旦方消

壬寅奉檄防深豐海口夏過漢州之地里常鏡秋

文學

際清

贈詩答之因勸倡練鄉勇以資策應

詩余在詩  
關同知

憤切西夷犯甬東妖氛又入竇山中要沈賊艦飛蛾命

再禱天妃退鷁風

去歲天妃顯靈颶風覆夷船多隻

游釜窮鱗赧尾見

好生

仁至赤心通期君糾合千城旅共保灤河與古豐

附原作 福星一路照京東何幸輝生蓬壘中濱海者番沾化雨腐儒也許坐春風六年治邑鴻猷見八事論兵豹略通鄰壤漫勞相問訊民煩只望歲時豐

聞武清蕭孔氏事詩以獎之 有序

婦十五歸龐家莊蕭天喜貧甚明年天喜出關

謀生八年絕音問母與改醮夫謀嫁之姑利聘  
錢從焉婦誓守投水者再皆救之迎車在門逼  
益厲鄉人爲不平毀其車難猶未已而夫信至  
迎者始反初夫信寄所親處積壓匣中已遺忘  
矣至是匣忽自動知有神助時道光二十二年  
二月也逾年余聞之嗣其家因作此以勸俗

世俗競趨利膏盲隱難攻不圖志義士得之巾幗中賢  
哉蕭氏婦守死甘困窮青年夫遠遊八載無行蹤春社  
燕尋巢雙飛穿簾櫳母憐桃李姿再使嫁東風芳華若  
過時夜雨漂殘紅姑亦從冰言聘錢延疲瘵授鏡催新

救饑酒慰愁容門外朱輪聲雜遝花驄婦急警曠日  
翻身投奔洪再死再救援波濤仍洶洶鄰人碎繡輿張  
拳如擁蜂紛難解未已傳警來征鴻乃散祁祁雲朗然  
見青空善久閤塵匣躍躍氣如龍匹婦一念誠神明爲  
之通我來官河上獎爾警昏庸亦旣屬厥始願言保其  
終

有友爲朗岱百有二歲之壽母江孺人徵詩贈之  
黔陽地居南極邊王母下降來翩翩湯湯翠水自天注  
四十八溪流壽泉壽泉流處五雲集子星孫星環座前  
孫又生孫子生子子宮壁合孫珠聯麻姑陸地之行仙

不扶玉杖行坦然經過三萬七千日童顏矍鑠神轉轉  
借問何方能卻老勤儉惜福無憂煎我有從堂祖姑母  
適同邑亦逾期頤開壽筵小時走謁拜牀下命我起立  
親手牽早看丹鳳銜

丹詔綽楔高並梨山顛吾

皇孝養格八埏願言

堯母同萬年歛時五福廣敷錫壽

國壽民長安全

奉文閱京東暨津屬壯勇途中感懷四首

大府謀深重海防書生亦許閱戎行但驅大馬皆貔虎

肯使門庭有卧狼

靡及常嫌鷲馬遞杞人心事上蒼知可堪大海波纔定

又是三河告警時

南河工尚未竣  
東北兩河又漫

自昔植浮八月天南皮道上水雲連柳條編作蓮花瓣

我坐其中亦散仙

白南皮是滄山中途水  
阻無舟乘區羅行五里

萬頃田禾付急流明春能否種來牟爲民絕路求生路

莫誤漁秋指麥秋

京東海上居民以七八月爲漁秋北  
地農人不知取魚若使各地編葦又

多掘蕩以聚  
之或稍補救

京師晤吳竹如比部廷棟歸而賦此

良友晤吳子沁我毋近名始聞方自信疇昔惡虛聲沈



思爽然失豁如夢初醒乃悟生平功強制非堅貞事前  
頗乾惕得後或震矜求全受摧折不平時一鳴去草未  
鋤根東風吹又萌六十始知非學遠已未能知非而不  
改蟬蛻虛吾生

癸卯冬奉

命守揚將自務關起行呈觀察高南渠先生

古人重知己感恩未足同何況知遇深兼之恩遇隆昔  
我宰關邑當路不見容夫子來守恆察我能靖共一鼓  
分金鎡銷彼腹劍鋒京東公分巡引我移古豐恩星節  
使來求才達四聰遂以葑菲質并入獲苓籠小鳥翔青

雲竇仗扶搖風自分蠙蟻材處事多疎庸防海乏豹略  
治河勉鳩工求免咎云爾敢希異數逢一麾乃作守管  
領半女官長淮流滾滾大江波洶洶噉鴻困潦歲飛梟  
匪深叢驅梟化成鳳亂後難爲功蚊力負泰山何以勝  
崑崙夫子裕經濟漢代尹與馮海上策防堵腹內富兵  
戈聽獄折強禦振落而發蒙所至不干譽實大聲亦洪  
能合億姓歡奉母樂融融五載三易地到處依併幪一  
朝分道馳俵俵如瞽矇澄明潞河水滌洞不肯東赤子  
去慈母依戀意何窮公如明月光二分照遙空送我薄  
笨車直入蕪城中

呈制軍訥近堂先生

爾經額

四首

皓皓素窳土閭淡名山藏陶者範成器藻飾昭文章用  
之列宗彝孳之登明堂回首在山時榛莽蔽英光自顧  
一撮微尊榮豈所望常恐堅白姿置彼糞土場安得長  
江水盈盈化酒漿願爲尊與罍酌言祈壽康

北方有長城民社資保障城內儲甲兵布置周以詳海  
寇連帆來望風而遠颺豈徒張先聲實能扼彼吭所願  
我

國家愛護此金湯金城長不傾萬年固苞桑

悠悠衛河水象壑赴汪洋水深清見底上映天蒼蒼渾

河歸其中濁波不相妨入焉久自化濁激而清揚水雲  
濛霖爾崇朝迢哉邇潁川細侯潤渺矣焉能方養賢及  
萬民德水誠洪決

夜起望星斗三台何煌煌台星是恩星照我燕山岡其  
下子星明雙輝相頡頏紫電儲武庫朱衣現文昌文昌  
我先睹東壁遶光芒願言子孫星長侍

太微旁

呈清河觀察朱小雲先生

王林

片玉胎空山粼粼一白石投獻非其人怒擲安能測玉  
人往援之下和得不別玲瓏琢成器榮光頓發越回思

在璞時韜晦日月黑

馮鑑塘命其子子鴻文學鳳峰自易來務送行並

遠餞一程而反作此留別

自識彬彬馮仲文醅醪飲到十分醺征鴻似我南行緩

爲戀西山一片雲

馮宅傍西山

題前明遺老李二曲先生蜀背面圖陝之整垣人

君不見南越之鳥背北枝而營巢湯陰之松背北國而垂條先生雲誼西山高安能易百朝新朝順天者存匪敢逆讀聖賢書常面壁若背聖賢學奚爲對天呼號背人泣嗟哉褚淵頽頽然腰扇障之亦何益

揚州漫興四首

營苑繁華習俗滯移風未逮愧迂儒遊春婦女離茶肆

禁婦女入茶館

衣錦胥徒換布

襦重治興化等縣蠶役各屬胥隸皆著布衣

四境勸

營資善士

時論紳士勸懲

多方驅蠹及強夫

教隊營兵開賭為害百年拿辦

絕宵行試問巡街吏還聽吹簫喝雉無

聽訟猶人未息爭劉鞭李杖在持平風霜作肅聲先奪

日月容光照頗明兔狡斷難逃別窟象馴總使出深院

但無留獄無株累便比龍圖浪得名

民有府狀容易准容易審不花錢不

要等於今重見包公極之語

此地吾曾種硯田梅花岡下住頻年重登經閣文星現

壬申癸酉間，酌尊經閣，吳陶伯舍人兩試童軍，字價權

要化王楊輕薄習，須知韓范楷模傳。讀書萬卷如兼律

敢肆喧囂鶴署前。時江都以欠糧，柳文童象約滋。聞余抄閱堂案，署律示之乃解。

桃花春水漲，邗溝巡視吾乘一。葉舟召伯堦前濤忽落

范公隄畔稼全收。履霜柳岸尋防蟻。甲長桃漲甚險伏。汛忽落至霜降高。

郵州七柯柳堤，幸隨河神塞之。禱雨桑林喚應鳩。莫倚昇平尋宴樂

及時江上礮臺脩。時築礮隄。

題但雲湖都轉明倫雪舟籌海圖卽送北上

人蹤四絕江風狂，冰山壁立天鵝黃。玉龍鏤門鱗甲揚

扁舟獨往雲茫茫。時有夷寇紛披猖，海水震盪波雷滾

大江門戶通重洋，圍山君山撐中央。天公設險如銅牆，  
一夫守此誰能當。君子知幾懲履霜，吾謀不用心倂倂。  
寇公鎖鑰真金湯，猶幸威明障一方。繪圖宣示非誇張，  
示

國有人難輕量，竹西亭上遙相望。城郭依然圍綠楊，  
家  
人愛之爲甘棠。我叨垂蔭分餘光，臨歧進酒咨周行。

大樓山創基戒僧來揚

蜀岡高處望三台，對月鄉心鬱未開。忽報山僧飛錫入，  
袈裟帶得白雲來。

奉答林少穆先生自關外賜和詩二首



虎門移節駐鳴鸞  
戒備森嚴命象官  
西夏膽寒經略范  
南城烽息守臣植  
誰更要著全梓錯  
不障狂瀾再挽難  
愁說使星馳萬里  
嶺頭明月忍回看

赦詔遲銜五色鸞  
純臣報

至豈須官忠心總  
是傾陽藿善教羣  
歸習禮檀聞公在

徙生墾地荒邊充國老  
公開無數屯田同天薦牘史魚難謂王覓

旌不日應南指頻  
上梅岡倚樹看

附原作枳棘頻年惜鳳鸞耐官今始報遷官有人門  
上差生莠從此河千重伐檀鷹隼出處前路迴鮎魚

上竹舊時韃頭銜冰樣清如許露冕新教父老看秦  
臺舞罷笑孤鸞白髮飄零廿載官半道教書慙比李

長城威略敢論檀石街精衛填何及浪鼓鳴夷挽亦  
難我與波斯同斲面盈盈河洛帶愁看

題符南樵茂才

葆森

塘北草堂圖并答喜雨詩

荷君淮海推秀良壯遊襍被周四方年來遊倦歸故鄉  
謝公埭北餘草堂雪儲萬卷書聲長興酣吟上梅花厠  
梅花仙客姿爲趨能換凡骨湔俗腸吐出萬古不滅之  
奇香化作吉雲五色騰奎光我守茲土慙歐陽偶禱甘  
霖孚衆望君歌喜雨成雅章紙上珠玉聲鏗鏘萬民有  
福天慈祥歸功老守心悚惶貪天之功咎坐狂恐召戾  
氣干天常願陳闕失無鋪張

題陸伽陵別駕

嵩崗

自愛名山入剡中圖

宦遊楚北又漳河過眼嵐光數黛螺千里青山齊入橐

囊中盛得白雲多

名山自古屬詩雄  
剡縣家家識此公  
畫個放翁何地著  
滿溪風雪釣船中

揚州郡齋看菊四首

孤芳晚發出秋巒  
性不趨炎獨傲寒  
我亦功名待遲暮  
馨香脩到此花難

夢到家園月吐輝  
就荒三徑尙芳菲  
鑄金我事陶元亮  
未報

君恩不忍歸

去歲元方共舉杯  
今憑花檻獨徘徊  
崇川歸艇來猶未

笑口商量緩緩開

時曰兄襄校  
通州將返

海波定後息煙塵  
闕賞秋英到小春  
但願年年延壽酒  
東籬醉倒看花人

題屏脩伯瓠菴讀書圖

乾道健而剛坤德直以方  
讀書法天地君子當自強  
或云輪方不可轉齒剛乃先亡  
圭角須磨礪芒刃宜韜藏  
詎知廉隅失砥礪瓠哉瓠哉  
聖所傷君不見模稜當日  
蘇平章以妖爲祥傾李唐

喜謝慶堂上舍

家樂

至蘇

上舍岐  
黃園手

醫星天際下翹出石城  
間明鏡照肝膽偏師奪隘關  
三

吳值凋敝萬姓盡痍瘵安得金丹粒來從海上山

奉答李石梧中丞星沅喜雨賜詩

久旱如久渴思飲醍醐濃天鑑大府忱愛士而邱農作霖濟萬物公才真神龍守臣亦何能爲雲長相從

附原作并序丹盟春多雨而求晴夏多晴而求雨皆不三日即應天人感召不爽若斯詩以志喜蒼昊一誠格靈巖雲氣濃欽迎太守雨望滿大田農火繳炎無影雷聲起自蒞蒼蒼呼日出星月又相從

題孫復生總戎雲鴻左右筓竹圖

總戎孫武之雲來大父繩武登將臺游龍入海鯨鯢掣

勢如破竹堅城開

令冠軍門全謀公平海寇蔡率

甘羅繼茂持絳節輕

裘緩帶福山側儒將翩翩離俗塵一日不可無此君手

排千隊分兩翼旌旗拂之成綠雲雲裏歌聲遏明月曲  
奏昇平烽火絕琚瑀笑下謝安棋堂堂閒煞渾城鉞小  
范奇兵儲腹中與可成竹先在胸名臣名士專惟豫取  
之左右原俱逢願養士卒同養竹个个剛勁立如玉

題吳月霄天奇閣集

集中錄余詩  
三十六首

文章娛我老只恁笑方家詎謂吟成癖偏逢客嗜痴人  
生不同調几席亦天涯底事陽春部翻將下里誇

題程式潤瘦鶴圖

一幅吳綾洒墨雲漫天黃月散氤氳莫嫌鶴比梅花瘦  
騎鶴人還瘦十分

題吳小芝孝廉世銜焦山送別圖

登樓送別大江灣，江水東流人已還。只有別情流不去，化成萬碧滿春山。

自昭文遣送西瓜貽四兄揚州

海壤星毬墮，中含冰雪腸。瓜自熟而甜如蜜世途多熱客，一服

便清涼。爲念餐芝叟，何煩解渴漿。同甘忽成夢，飛到古

梅岡。

孝女行爲夏榕孫國子寶全元配汪孺人作

父無兒，視女以爲兒。兒不能侍湯藥，父曷用女爲靈藥。無雲芝，父命繫一絲。何以延一絲，兒身父所遺。敢惜以

身爲父醫金刀閃爍臂血淋漓豎子錯愕鬼伯歔歔嗟  
乎生男有許止何況生女子有女如此真女士織女星  
墮牽牛傷那還回首思哀欸

題元和六令秋研芸

家丞補齋圖

神禹始平地竊皇先補天元地有傾陷贊化待聖賢人  
事似明月多闕恒少圓國時宜戒滿闕處須求全研芸  
惻愍更同舟亦前緣公餘述庭訓勉勉思補愆吳民困  
重賦舊劍苦相沿病者元氣虛攻砭非所便滋養導生  
意庶幾沈痾痊曷哉勤補救報

國斯承先



養浩齋詩續稟卷二

貴池桂超萬丹盟

謁蘇文忠公祠

奇才如此困遭逢續在三吳仰舊蹤陸相忠言眞上藥  
韓公浩氣是文宗虛名常畏同哮虎直節誰知有螫龍  
我意飛仙遺蛻去化爲明月散千峰

蘇州郡齋咏懷八首

兩載蕪城負一麾又移虎阜領江湄

君恩山重難酬禱

韓詩君恩泰山重不見酬禱

臣志冰清誓拔葵章

寢焚香惟宴客白門羅雀自吟詩戴星巫馬鳴琴宓分

道何妨况異時

言不敢效章  
自間逸也

會上燕臺歷折磨民屈今見勢嵯峨官清夢裏驚惶少  
賦重田閭瘠苦多難得蠹除澄吏弊又虞鷹擊拂天和  
政刑要作慈航渡忠信能平宦海波

吳中積弊在征收大戶揚揚小戶愁求牧夙心憎害馬

飼雛均惠問鴈鳩

時試直軍以去害馬鴈鳩餉子命詩  
賦題曰辨理大小戶均賦重拿漕棍

也難容弱肉供強食欲築高堤障下流所畏禍夫非貴

族只須自縮定吾謀

初方伯以大戶滋鬧為慮余  
諷自反而不縮數語計乃決

琴川兩次匪徒爭踐聚蜂屯我往征

一佃戶打毀業戶  
三十六家一關署

設差皆昭文近海鹽  
鄉聚萬餘人拒捕

陶侃寸函剛定邵張綱單騎幸平

嬰

余先以教示勸散脅從旋獲首魁迷曲突先銷釁致要各犯到村渴論象焚香以迎

殄渠魁再用兵大府乃嘉功速嚴封章上達使顏頰

有若非該守辦理得宜幾成巨案等語

昔年讞局備員來今坐黃堂自主裁奸黨驅除耘夏草

冤民提挈上春臺法行全省三章定又府三州巨獄皆發審網解

崇朝一面開京案親訊多有一堂結者漫頌青天同況守小知敢詡

濟艱才時有況青天後桂青天之語

官糧海運仿前朝只患洋氛與水妖鷹欲搏蛇須引鶴

少陵有義鶴行牛難執鼠合迎貓議募閩粵水勇禦盜夷阻糧行請委吳道普觀察來以制

夷以其骨充洋行洞悉夷情夷素服也卒解此難停艘亞旅安排散軍艘既停水手聚欲

滋事已在鎮江歎血余於催民完賦論內抄聚象塞舞  
署例俟軍船回遍貼泊處又酌給歸資事乃平定

法魁臆智計消嚴絕羣策效能神効順干帆風利到津

橋時權繼  
道衰

淮河啟壩護金堤累萬流民傍耳啼蕩去室家挑破甑

嚮將兒女哭羸妻無人編竹甦螻蟻盡族投波作鮪

大吏仁慈紳士義守臣藉手慰雲霓蘇城收養萬六千  
人分養外州縣三

萬餘人推食授  
衣計六閱月

童軍萃聚動喧嘈蘇士還純靜不器文盛我思蒐繡虎

地靈人易上金鰲培基臺底三層固立脚樓頭百尺高

試看秀才模樣在肩擔天下莫辭勞項瑯臺基三  
層出水經注

送方伯李吉人先生德乞假旋陝

華嶽五千仞呼吸通宵蒼精靈孕豪傑挺出鎮八荒  
縮行試畿輔所至留甘棠異績在渤海龔遂真循良中澤  
懸飢鴻周道除貪狼軍艘多悍徒重典懲跳梁直使儻  
儻虎化爲鷩鷩羊高車遷兩郡漢治同馨香上游秉清  
鑑特遠尊圭璋晉授監司節露冕化雄疆再命陳時臬  
甸服刑稱祥異數畫三接一德孚石腸遂拜大京兆駿  
屬巾條綱根節週盤錯利器見鋒鏑

宸慮宵肝廬廬念在蘇閭金穀半天下近日憂凋瘵起  
瘠而培元咨汝民之望克儉章者侈至誠調雨暘有容

德乃大無欲氣則剛婆心一片熱鐵面非涼涼昔我宰  
樂臺迂步疎趨蹌銳意去奸惡如農鋤莠稂治民未獲  
上駁詰心惶惶時公掌讞樞龍門方望洋何圖照臚鏡  
朗朗懸虛堂謂此公案定安能移太行上台語竟塞下  
吏氣始揚還荷國士知馳譽遍巖廊春風亦何私小草  
增芬芳幸哉天作合南國重依光三吳賦煩重巧利趨  
豪強我定均賦議阻抗虞相妨公曰苟利民赤幟吾能  
張奚分大小戶一體受輸將玉糈海道賁晏然達輕航  
差可舒雁戶亦頗裕

龍倉濟川公爲舟餘人充一檣何堪阿閣鳳一舉去朝

陽騏驎不先導，駑鈍行佞佞。率衣戀恩義，餞此春酒觴。  
東山願再出，萬年佐平康。

己酉夏自蘇赴汀漳龍道任中途雜詠六首

水路危灘陸路塵，又逢酷日炙征輪。車中莫憚歎蒸逼，  
汗滴青疇幾萬人。

投檄紛紛誤驛夫，吾宗接踵守東吳。木蘭堂上丹樓映，

回首清香聚不孤。

蘇郡公文多誤送，余行館以吾宗星垣接守也。吾姓向稱孤香，今蓋習吳

會宗額諸麗事曰清香不孤郡齋即事詩燕寢凝清香處故云

初來問俗路茫茫，好鬥風聞旗幟張。吳楚兵交難得解，

早教處女莫爭桑。

荔支新熟實垂垂罷貢

天恩溢海湄堪笑唐家馳萬騎重勞鵠面媚蛾眉

海上雲樓起萬層千峰獻秀畫何能仰天借問瑤臺客

奇境如斯見未曾

想亭驛早行忽見雲峰萬壑樓閣玲瓏真奇境也

觀水重瀛氣壯哉釣龍臺上幾徘徊何須海外尋三島

管領蘇揚名郡來

釣龍臺在閩省

九弟子穀已選姑孰廣文尙未之任又聞四兄選

宣城廣文自閩寄此

天管春風位置勻敬亭采石屬詩人元暉難占城如畫

太白重脩佛作身百里魚鴻書易達兩家桃李地爲鄰



獨愁孤夢迢迢路夜夜浮江泛海濱

漳城雜詩十二首

洞庭佳品數批把最愛清芬濺齒牙不道閩南風味勝  
焉支如乳袖如肌

風月發高境界殊登臨彷彿見蓬壺何人學海真能到

不讓情流不受汗

海清不受積物

祇謝神功惡澤通稻畦雨熟歲滋豐可憐錦繡江南地

回首田廬虐浪中

余四月離蘇後梅霖爲患

江海多停買米航又需百萬拯艱荒雲峰可有仙人下

指石成金煮作麪

雲霄有仙人峰

易俗須逢曠世才  
晦翁治郡禮門開  
至今篋管遊春女

猶襲當年冠履來

名文公補  
文公履

安卿講學北溪頭  
胸次空明翳障收  
欲瀛漳河會濂洛

都歸大海古今流

陳子  
寤

君謨判郡意雍容  
儒雅風流亦可宗  
手種龍鱗陰滿地

只今人仰萬松聲

蔡公  
襄

漳浦黃公抗節遺  
到吾池郡改池山

忠端公道周改石  
齊山爲池山

頭城畔離離草  
猶染蒼宏碧血斑

殉節  
金陵

十二人家守一

屏餘創十二家  
屏法每  
屏夜轄四人  
守望

還鋤非種絕根

亥但教晉盜逃  
去貽登鄰封  
未有涯

勸民廣借泮林材高唱幾聲何苦來

余下車作何苦來歌四首令士勸民

可似生公頌說法頓教頑石點頭回

深林四序綠如螺大半經冬弗改柯不可語冰不知雪  
眼前只恐夏蟲多

種蔗田連萬頃良漸甘佳境老來嘗買臣富貴浮雲過  
魏國勳名晚節香

苦熱

炎方寒亦暑當暑況流金大地成鑪冶斯人在金鷲因  
思苛政猛更勝赫曦臨飛檄期僚屬平刑迓瑞霖

與六弟宗周啖荔支憶四兄九弟江南

一笑雲衣脫天然白玉膚坡公三百顆啖共子由無回  
首嘗盧橘同懷聚太湖翻思飛騎便附寄到庭隅

林少穆先生乞假家居奉

召入都仍叠前韻二首送之

威如鷹隼德鳳鸞到處人人道好官一代奇才比諸葛  
帥粵時有賽諸葛之稱萬家生佛供旂檀謀深合算通盤早專大

孤肩重任難小草出山何遠志多憇青眼廿年看

賜柬親書字翥鸞憂民致病暫辭官頌聲地動綠除莠  
至德天生任伐檀黨附希文眞有幸董知君實是爲難

恭聞

宣室新綸召萬姓歡騰遮馬看

林際

酷暑避無地披襟林際行  
深松洵日色脩竹拜風聲  
槐是吳公樾榕爲肅郡城  
高枝宜蔭下趨就見羣情

庚戌秋病甚告歸

海霧千重瘴天風四序薰  
宦情寒澗水歸夢亂山雲  
訓俗難成化居高未奏勳  
衰顏虞覆餗豈爲息勞筋

少穆先生往粵督師過漳以

起

引疾將歸三疊前

韻贈別謹再疊和二首送之

要去鳴鴉起鳳鸞將幢忽拜在家官  
急趨三節披星露

能用羣材辨穀檀如翰軍從天上下無譁師度枕邊難

龍旌到處逢時雨萬戶焚香萬目看

津境家掛香案以迎時得喜雨

羸軀自比退毛鸞敢戀簪纓致曠官解乘勇原翰傅介

經傳晚或學唐禮

唐禮晉京氏易韓詩教授百餘人見後漢書

攀劉人家熾

慙甚說項恩深欲報難歸轍江頭心嶺表紅旗飛捷指

雲看

附原作并序

丹盟公祖五兄大人以僕被命北行登鸞官元韻二律見送不知僕方卧疾未能

就程又聞君亦決意移疾吾鄉有好官而不能留悵

然久之因成登韻二詩一以自明一以贈別

盈庭

衾衾集鷓鴣自笑衰遲不耐官已分棄材甘廢操漫勞薦刺焚香檀淨沈沈結醉恩晚閱歷終愁涉世難

三徑雖荒松菊在病軀猶作卧中看翔鳳無端作伏鸞聞君勇退也休官乞身已決空留冠饋肉雖登豈

受禮孤月獨明人盡見狂泉不飲事偏難東山暫回  
何時起多少蒼生引領看前詩作就未寄密奉  
命督帥粵西力疾就道此行須經漳郡喜得與君相  
晤復疊前韻奉東只自戎車振八鸞牙璋忽促黃  
龜官重驚乘鐵非朱戟且舉沈槍拭綠檀劍及室皇  
須強起輪馳折坂敢辭難霞淖指日即當過喜入難  
摩丈  
室看

哭少穆先生用前韻

出師中道駐錫鸞痛失人間第一官贖願百身星祭葛  
供教千社象雕檀高談去日遺音在偉略今時再見難  
此後望碑長墜淚閩山羣作峴山看

聞少穆先生

賜諡文忠志感用前韻

恩綸飛下九霄鸞  
裴邱孤忠勸百官  
偉績史書金匱竹  
崇祠民熱玉鑪檀  
狂秦用間傾頗易  
回紇投戈服郭難  
映夷天津訴狀用間也然服其端  
忠被謫行時單舸過夷船旁不害  
天壽若留文潞國  
殊方都指異人看

歸途痛念林文忠公不已再疊前韻八首兼以紀

亭卽寄禱之

汝舟聽孫

聽孫

心北拱

三公子

百鳥從來愛紫鸞  
岡陵空祝惠慈官  
噓枯祭地千門筍

施德窮黎衆衲檀

釋家以布施爲檀

十四省中雙淚下

公敬歷十四省

九重天上一心難  
尋常經信忠肝露  
深夜挑燈子細看

天上天仙去  
跨鸞記叨賜物出清官  
西江金枕烹黃茗



南詔花珉嵌紫檀垂露義書珍重久仁風謝扇奉揚難  
公賜普洱茶大理石搗金茶椀最愁大樹摧殘後平亂  
自書紙扇以長者命不敢辭  
何人拭目看

公撫吳門祀伯鸞清風坐我及同官政如農父教除稅

吏似貞媛戒折檀南土河渠疏鑿盡公與五潢劉河海塘白茅河等處水利

利北方溝洫倡興難還壽

國用論行鈔公議行鈔以充度支與北方水利以紓漕困皆不果行剪燭樂臺畫

樣看超後宰樂城公簡

一自霞漳送入鸞曾招我客作材官東平劉上舍長恩從至潮州命帶鄉

風聞盜散潢池挺膽落車馳尚父檀東粵盜聞公來黨爲一散返

施驚同司馬可還魂活起卧龍難只應傷節經行處都  
把棠枝鄭重看

撫琴傷逝奏離鸞回首殊遭勝美官節建晉公偏引愈

才慙宗慙願從檀

從交州刺史  
檀和之克林邑

夢魂戀闕常思報學

術匡時豈畏艱如使圭璋天上達敢貪松菊醉中看

公欲

超贊理軍勢擬至粵  
東陳奏而受於湖

微禽爭學倦飛鸞避瘴方故乘官

兩度夏秋皆  
熱病三月

慣見

披衣宜苧葛誰知改火到槐檀人傳山寇如毛集我作  
村農奮臂難忠勇惟公靈不滅神兵天降舉頭看

夷煙許市亦仇鸞堵絕公爲鐵面官此是斷腸眞壽草

奈何逐臭當香檀法誠雷厲威長克財阜風熏用豈難

我擬罪言申禁令終嫌越俎背人看

辛丑春貴侍郎變請免煙禁超擬疏

素劾之請加嚴禁寄京未上

善人積慶見雛鸞蘇軾青年太史官仲海從軍茹畝芑  
季常作棟是園檀舊勳門第崇高易名宦兒孫繼述難  
先德

君恩真罔極及時圖報老眸看

同安林嘯雲上舍

樹梅

參謀文忠公戎幕因事遲

行亦蒙和韻寄贈詩至而大星隕矣慨焉答之

欲教隱鵠附翔鸞報

國何曾受一官良策救時知杜牧奇兵貯腹陶王檀王檀  
梁將欲以奇兵襲晉未克東山雲出瞻依象南斗星搖壽考難試問  
登龍傾膽後更誰相馬略皮看

歸里

久隔家山面重看倦眼指他那留赤烏故我又青鞋下  
馬兒童喜扶鳩長老偕親朋勞款接四簋酒筵排

感遇十二首

誰持文柄最憐才尺木欣逢大匠來陳廔德星周霽月  
照人心鏡豁然開謂陳廔德星周霽月

出山喜見林和靖仰斗會瞻汪憲辰同郡沈疇廉惠吏

道余知己兩賢人

石球沈樞卿明府贈知己兩賢人之句謂汪文端公知吾文章林文忠公

知吾政事也時沈

春闈徹棘噪微名主試歐蘇謂有榮勉我官聲稱文譽

不教面目改書生

榜後那竹汀恩蘭士兩師俱謂有光出都求訓一謂官聲如文名就好一

戒無改

有功不伐是曹彬薦士誰知密語陳諸葛勳名歸謹慎

面承衣鉢愧傳人

曹文正師訓以謹慎二字

長沙初謁輒言深曾見雕蟲久賞心期我晚成爲大器

一家沈寔萬家霖

賈筠堂師謂向讀楮裕堂稟期許甚大

阮相功成返里庭邗江吾守聽談經至今濯濯隋隄柳

萬樹都如公眼青

謂阮文達師

作豈衝逸客集蠅往來君子得交會平生不識李元禮

接入龍門價便增

李雙園方伯過樂傾蓋言歡逢人說項

大帥難容未敢彈借刀太守學曹瞞鯁言高允批鱗逆

翻報吳公第一官

陽高而葉先生參劾次年進見云某治行第一

分巡使者有朱雲常訓羣僚學我勤星火暴秦攻趙急

解圍全仗信陵君

朱小雲先生任清河通常在大帥處解圍

南山案定撼何妨諤諤持平李贊皇菩薩心腸鐵拐骨

不知怒目有金剛

金康訪受指到案李言人先生守保定云樂城錄案不可動

名實能符木訥仁有容無技古良臣下卑細訪真循吏

救到單寒却塞人

誦近堂先生明伏

薦陳明水感恩波冀北江南保惠多難作蓼岑充藥籠

翻勞賜藥養羸痾

王辰薦老出陸立夫師門作宦南北皆在屬下今引疾歸蒙賜再造丸

辛亥冬章振武茂才獻自都門回談及薩湘林大

帥近阿治獄甘涼劫琦帥善寃勦良番五百餘

人酷訊番目四十餘人斃者大半訪究明確吏

肅風清詩以記之

菩薩從天降煙消白日升鏡心寃盡雪鐵面冷如冰盧

杞梟謀破

欲翻林文忠公原案

朱游虎劍騰朱雲字游揚嶽有章子談

次骨稜稜

憶昔雜詩十八首

五年虎口竟存身夜夢猶驚虎眼瞋虎去夢回心地慊

不求虎項解鈴人

宰樂城時大府不容常時遣弁  
句環四五年間從未央人緩頰

當官事事必躬親案牘從無半點塵明日及瓜今拔薤

盤根不累後來人

在樂將代時鄰封獲鹿來言得一巨  
蒿熬嘗五月不承余設法關至不用

刑詔三  
邑案牘掃除更盡

窮樵富窟各爲家繫到公庭鳥在笈萬戶迎年吾聽訟

教人歸去飲椒花

歲除前夕堂事不  
報作守令皆然

輕生惡婦得情哀行野單車幾十回茅舍驗明茅舍結

不教兩造訟庭來

樂豐自盡命案計三四  
十起俱在版訛結發落



精驗回車婦哭村怕兒往證閱寒溫明朝案定餘人釋

分付遊歸懋倚門

真命案到署即結無干立釋詎鄰封元氏案發放時問昨有婦人哭者為

誰一案証曰小人之母戒勿遲歸

禾植難辭去莠勞平生痛嫉是強豪任張妖鳥冲天翅  
天網重重何處逃

教傳異域太荒唐誰謂民彝盡咎亡講示聖經人悔罪

拜瞻武廟俗更張

在樂獲糜城李姓堅不出表示以孝弟忠信大倫乃悟有一村大半習教

已改未絕余訪諸父老云幸衆拜武廟可忘從之果驗

容拳洞鑿冷官衙云此藏金鼠竊拿妙手憑他屢七七

虛開頃刻掌中花

學有劣員云金藏即樹賊鑿小洞伸手竊去爭欲賠贖不聽以恬靜處之

半年攝令涇河濱海上防夷倥傯身一月判完三百獄

兩軍整練數千人

豐潤前任因病積三百餘案日判十餘起境內海口兩營勸主將教練技

勇禁兵闖入民房個團鄉勇數百訓之

執訊虞山我置前迅霆驟擊耳門邊雨淋平地濤三尺

夜半提戈上戰船

昭文聚象案會督征寧鎮軍以雨大請收期余不許

救焚須用能薪謀治水先應導上流數萬海蠻攘臂起

使知法律散如鷗

余屢抄聚象律出示解散兇徒昭文軍船惡佃數萬人約焚舟搶稻亦用

此法散之

敢將列宿抗三台遇事爭銜苦口開旅進同寮頻笑我

今朝又唱見都回

公事力爭甚多屢都傳奇況守事也

南方田賦北方徭衿戶偏輕民戶凋人海橫流難得障

手持強弩射狂潮

在蘇均役

他邦小款稅如常吳地何堪照額償民困追呼無術救

一分成熟一分糧

茂申大斤議征全清余衙用中自礎上陳以去就爭之言他邦六分以上

或可全征某部只可有一分收  
或征一分錢濟時以爲名論

齒徑全空肅似秋一紳起債漫千求千金開口明來路

勘破情虧是蜃樓

神云父居寡官身後孽項知其家貧無金怕殞厥歷爲此飾詞察之果係

歸局下札究  
治臺詐風息

虎威狐假聚南閩吏猾兵驕總害民移檄同官互稽察

兩班文武一家人

據本署開吏作奸求同官  
詰知各衙有弊本署無隱

管統官兵縣理民兵民兼轄在分巡設兵原爲除民害

聽爾殃民豈法臣

據各屬兵民互控不結之案俱將人証解說

盜舟揭篋忽回蓬云是清官寶物空狼虎口中歸趙璧

方知夷賊本心同

賭裝在神河被劫有盜云清官不可犯且無銀還之

養浩齋詩續彙卷三

貴池桂超萬丹盟

江茫茫五首題李諤如方伯

本仁

長江籌遠圖

亥

作秋

江茫茫波流一去通靈洋洋煙流毒厲中國星使窮搜  
眞熱腸我議治內不治外一販懸首百販亡煙艦不逐  
自回棹何用羊城燒萬箱嗟哉犬羊性好亂火龍水馬  
紛披猶誰管虎門撤兵衛誰遣鵝鶩疎隄防不見前明  
倭寇入江陰小尹能獨當元公焦山圖山天設險猛士  
一守成金湯

江茫茫于帆銜尾馳離航煮海之府誠利藪利在必爭  
人攘攘黃天蕩口青山岡私翊如雲刀如霜緝私官役  
抱頭鼠有如見虎奔羣羊羊性至柔亦至狠翻欺孤客  
裁虛職元季巨寇半私販何以杜漸彌非常我欲仿行  
劉晏法卽在鹽場開權場蛙鳴無有官私別庶化鳴鴉  
爲鳳凰

江茫茫水居多於陸地莊于灣萬滘汚垢藏中有萑苻

羣嘯聚水仙爲名水一方

盛有名水  
仙聖者

每伺大賈揭行橐

恣意鴟嘯騰蜂狂亦用甘言誘六博僻地縛客投中央  
關非禦暴過界問汎縱持更救未遑我議巡船偃旗

豈匿健者眠深倉五夜孤行載重篋下茲香餌鈎鯨魴  
兵設豈乏好身手懸以懋賞都發強

江茫茫潮頭白馬何跳梁禹鑿南條向江注江爲衆壑  
歸宿鄉如何江流轉泛濫青疇連歲成溟滄南河泮水  
方泱泱待沈玉璧歌宣房何堪江神再肆虐鴻雁在野  
蛟在堂民居金底地窪下命寄浪頭天主張無策萬全  
思小補計惟築岸如圍牆

江茫茫江濤擺動天低昂天限南北亦云險浮橋寬窄  
瀛人量阿瞞橫架下武昌赤壁一炬勞周郎王濬樓船  
無人過石城上下降帆揚僞漢大舉連雲檣明祖禦之

於鄱陽卓哉青田建奇策不使游魚逃釜旁征西兩載  
車煌煌西極櫓檣還吐芒洞庭雖隔通一葦毋曰在遠  
庸何傷所倚福曜綏南疆事專有備國胥匡

主講敬敷書院重登大觀亭

卅年回舊夢高會聚文星

陶文毅公  
聘脩通志

鶴髮饒誰黑龍山

爲我青江流黃石捍皖國白門屏所願長安堵從容講

六經

時楚氛告警  
皖有戒心

築室行

有序

余意不欲起廳兒輩聽匠人族人慙慙多費千

金致形置竭作此行以示後



邗人養體不養腹家無斗筲燦衣服池人安身不安家  
家有斗筲構夏屋夏屋未成斗筲空那管八口將餐風  
于公容駟開高閣李相但築旋馬廳或豐或儉義各當  
儉以養福吾儼型賈人開價加倍語匠氏計工減半估  
兒曹被誘墮術中勢難中止若騎虎或云儒者官一畝  
大夫二畝亦宜有扛鼎須是干夫雄非大有力焉強同  
杜老漫思寒士庇韋守深慚居處崇旣慚且悔告後嗣  
噉飯量腹衣量躬

贈同邑包潤之茂才

澤

虛枯憑春風白骨誰爲肉君家青囊書祕訣枕中錄

君承

墨園先觀山星羅胸察地劍出獄會心豈在遠明眼一  
生家學觀山星羅胸察地劍出獄會心豈在遠明眼一  
何速衰病及時養獻曝愚忱篤願相

萬年岡永錫四海祿

擬請大府  
薦於朝

### 移居四首

歸來三徑理荒蕪就近披荆築一區二水交環田產玉

宅有南北二溝環  
繞四圍皆稱田

五峯雙拱星聯珠

門首有兩層五  
峯高下排列

鄰

圍族姓書聲閉地遠塵囂市氣無衰老堪怕增內愧  
廟堂盱食我遊娛

兒曹都已列青衿義利殊途只此心許

園自慚虛寸報教家端在惜分陰潮溪發跡栽千樹

遷一

公手裁

長史詒孫贖一琴

補凡公有十載宦遊但識忠

孝二字一朝樂致惟餘琴鶴

雨隨試問茲山泉水出有無半點垢汙侵

癸巳會科覆試詩題巖泉

詩次石玲瓏余結句云涓流龍泓納叢叢

三山清歸來自肯願踐前言作傍泉堂

陽侯連歲占青郊擇里何方可結茅水國爲家平地鶴

原田變石滿山蛟

本里河北河四百餘畝

門閭幸隔江河遠出處

都無嶽隴嘲只願安居天下樂胥如倦鳥有歸巢

舊居門對井泉香曾祖勤垣祖植棠

老屋曾祖所遷對天井糖蔭木皆祖

手紹述在庭輪奐接綢繆賴母苦辛嘗

本生父築一樓賴母經營

一官竊喜榮三代二品

殊恩及四堂

贈典前已兩選茲於道任榮達

養浩齋詩續彙

卷三

四

登極覃恩以叙加三級晉賜兩代二品并贈  
贈曾祖父母又捐軀本生父母皆晉二品老病未能

趨鷺序兒孫何以答

龍章

王子秋後瘡癩交發經月未痊賦此

痛痒同民是素心切身痛痒忽難禁洞天露線星眸掩  
草地藏珠雪鬢深驚欲化龍鱗作甲笑將成佛粟堆金  
有醫醫我誰醫

國欵枕還爲濠室吟

接陳信吾拔萃

之瑞

家月軒副車

一輪

信知同以

大令用寄之

一騎與樂林族叔  
同名籍隸石球

才堪大邑小鮮烹行聽弦歌出武城學古早希僑也惠  
用刑須似釋之平倘肯渤海教銷劍安使潢池盜弄兵  
漫向老夫索衣鉢要端治本莫如清

兩人皆通家  
信求治譜

戒三兒

連珩

十一姪

連珩

弱齡隨宦上燕臺十載鑽研宿慧開圭璧磨光爭日月  
鏤于出匣走風雷

小試皆以  
高等食餘

明心要拭龍盤鏡守口常

銜虎士枚許

國馳驅吾老矣爾爲騏驥補駑駘

贈同里西山方增益孝子

時吉

未報熊丸德終天吾望雲萬山隱農父三載守荒墳日

奉雕檀象時遵戒殺文孝子廬墓後日供親應教逢掖  
輩頽泚落紛紛

寇近避入南山

強寇禦無力山居望闕慙心隨鴻向北身學鷓巢南峻  
嶺雙苔屐全家一土龕病餘驚噩夢空喚過河三

行不得

鳥呼行不得水陸皆斷絕虎目明於燈鯨睛大於月

接奉三代二品

誥命四軸恭紀二差自蘇賚刊

稽首尺天低天章捧紫泥鴟鴞塞衢路鸞鳳下雲霓先

德能詒穀

君恩未報病羸鵬可化傍永啄鯨鯢

亂後懷四兄宣州九弟姑孰

亂離無大寄書函夢裏尋蹤陟遠巖杜宇喚歸歸不得  
如何江上望歸帆

武昌魚

莫食武昌魚魚是千人膚人膚化魚血化水魚飲血水  
屈其軀魚漏網遊江湖人羅雉羅誰漏諸魚避獺依藻  
蒲人逢虎口誰能通遁入鮪鱸全家是驅魚有種類深  
淵聚居魚樂其樂人不如武昌之人誠何辜人兮人兮

胡不爲魚乎

皖江鎖

東吳鐵鎖排江裏。晉人一炬輒沈底。吾彥舊制今重新。  
未揚烈火先銷矣。蒼梧狂寇橫江來。江聲沸沸如奔雷。  
小孤將奔鳥獸散。臺傾說伯城門開。長江自古稱天險。  
何爲不戰心兵摧。市人驚走市中虎。可憐萬室賸焦土。  
君不見。宸濠戰艦如雲連。江流欲斷來投鞭。文武協守  
高壘堅。黃石磯頭誰敢前。卽如余鎮孤豈懸。鏖戰天完  
猶六年。江無鐵鎖江波晏。固圍在人不在險。

石頭爛



劉基計行友諒滅石頭城石豎如鐵曹彬師入唐主糜  
石頭城石爛如泥石城非泥同泥傾半是泥人守石城  
泥人身爛石亦爛衆士解體如山崩不然屹立崇墉棟  
穹昊何致鞞尖便踢倒孫恩西來擾江表衆皆烏合詎  
難掃焉當棄險東梁虛入虛無人誰建旄不募泗人鑿  
艘腫不師赤壁縱燔燎但使鐵石爲心城銅牆玉壘安  
排早嗚呼長江直下若摧稿衣冠土偶知多少

鐵甕破

顛撲不破莫如鐵何人擊鐵鐵忽裂當年高鑄鐵甕城  
孫吳憑之成霸烈城在江干寇必爭二百年來三被兵

昔遭海賊今邪匪盤踞騷動網維傾天爲旗營晝昏暗  
剖肝剖孕荼毒慘誰容豺虎闖入門使我生民盡吞噉  
賊豈鐵漢能摧堅官無鐵腸早破膽我聞聖人有金城  
夫子鑿內乾坤撐防意森嚴衆志戢請賊入窺賊卻立

燕城煙

道光丙午揚州東門城上忽起白煙占者謂有  
兵象

燕城煙吐白虹白空穴上騰不可塞入占城煙是烽煙  
兵起西方下雨國回思前兆經八霜我在吳會云宜防  
倘使寇來早捍衛有備或可無胥戕可憐邗水遍流血

節操同日千命絕

立貞堂節婦聞江  
壽民死骨自盡

百神廟毀香煙收

萬家窻冷炊煙滅白衣掃塲殲成人長途去盡狼煙墩  
劫掠姬姜歸建業官礮擊之成煙塵煙塵滿地天爲昏  
嗟乎蚩尤作霧徒勞勞黃帝車上五色雲

聖德如天天回春白旄一掃空驚氛

### 池水乾

滄江鼙鼓掀天起池將戈彥砲頭徒瓠大孤城關四開  
千箱卷入盜囊裏新春衝過秋重來官衙古廟焦邱矣  
一括如梳再如篦剝膚殆盡見髓天下無如池郡貧  
滿城膏血復有幾君不見大旱之前九已毒龍吸盡

一池水夏日暴後秋陽蒸池蛙亂跳池魚死今日池人亦如此

### 天何冤

天何言曰左旋天有言天之冤皇天誰敢冤賊膽大於天奪民貲天貽掠民糧天父嘗爭城爭地天父取狼鳴狗吠盡天語以此冤天天怨府人有冤天雪之天有冤天不知謂他人父人不應謂昊天父天不憎天有聖子天其子天有逆子天不恥不命雷師擊其頭不命瘟神殲其儔不命祝融焚其穴不命河伯沈其舟彼蒼者天誠悠悠天万醉夢暫休假寐然一醒天兵下我有綠

章促天駕

神何靈

東毀神西毀神毀到文武兩王入其他祠廟何足論神  
像縱毀靈莫毀當顯威靈幾巨靈何爲報施絕影響豈  
真木偶無痛痒或云淫祀禍人心惑極盛必衰宜遇厄  
神有邪正應犀分因噎廢食殊昏昏百神來享虞廷禋  
都是正直聰明身卽云萬物天作主有主何能不置輔  
大厦巍然一棟隆宋楠不備誰撐住侮賢非聖人綢窮  
折斷天柱浮共工竹見神媧補天乎不周扶定擒元凶  
何物耶蘇首倡亂稱天獨子罪萬段夷狄有君左道誅

十字架上奸魂散無何徒黨扇妖言靈魂活現蘇九原  
流毒海國二千年毒盡外國夢中國愚民吞餌兩眸蝕  
入教者臨死抱恨殊神不震怒天紀絕願張天討斬由孽幽明兩  
路奇衰滅

女人館

天鼓鳴天狗橫騷盡彗連孀星墮落人間萬丈阬六  
朝勝地多芳容施旦千人歸穢宮稱意者生失歡死幾  
朶桃花殘畚中餘皆聚在烏衣巷鉛華洗盡金蓮放赤  
腳泥行滑澀聲負糧擔土作何狀時見藁砧來前軒雨  
情脈脈安能言誰家閨戶甘焚如羣女想望稱仙乎後

死無路空哀呼

老人館

天賦八城天牢設雨極老人聚一宅金陵王氣人壽多  
老人何辜罹此厄老人豈無廬鳴鳩奪以居老人豈無  
子鴟鴞取以死聞有三老曾在朝朝衣塗炭難逍遙聞  
有二老名士流斯文掃地南冠囚餘若絳老多於蟻朝  
三暮四一溢米老人本與鬼爲鄰萬鬼成羣鬼門裏夜  
深鬼哭聲啾啾死來枯骨何人收願如牛哀化作虎飛  
食賊肉當市脯願如周軍化爲鶴沖上雲霄不能縛不  
然趨捷爲老猿升屋而逃歸山顛不然變幻爲老狐潛

身而去蹤影無

哭沈槐卿司馬

衍慶

戰死鄱陽四首

江右堅城少連年在水鄉  
寇來爭北走誰往救南昌  
一戰秦圍解孤軍漢幟張  
忽聞襲虛邑回禦勢倉黃

君救省戰

勝而匪乘虛襲饒回救象寡不敵

千尺鄱湖水人稱郭伋河詎知恩浩蕩化作淚滂沱

君治

冠江自袷官符識

裏衣過

黃巾手刃多

元所尚

猗嗟

虞詡死誰與靖朝歌

異哉容不變酷日炙經旬  
仙子冰爲骨英雄膽作身  
同

官育李廣取義若張巡

樂平令李君元

萬古雙忠廟廬



山長與鄰

初逢年尚少不信事能更聞斷于公獄知儲范相兵朱  
陳因結好召杜果飛聲今哭長城失非關蘿蒿情

到高盧塘四首用與林文忠公唱和韻

世亂人猶避繳鸞痛聞郡縣已無官聽雞幽谷清如竹  
躍馬深溪險似檀赤手擎天懷抱阻紅巾滿地掃除難  
焦勞

聖主知何狀夢到高峯向北看

天鳥漫天啄象鸞懸車表聖入王官流泉石咽聲如玉  
深雪梅開心是檀無力執戈傷老朽何人擊楫濟艱難

鳳盧強健擬宜富義旅團成者意看

函致星使請於數郡加意

効忠豈必列鷄鸞况是監司舊命官弱植爭同霜雪柳

勞薪怕作輻輪檀鄉無朱戶聞風怯家少黃金結客難

防盜縱聯弓箭社奈逢大敵縮頭看

地方貧弱無如池者

我曾矯矯學龍鸞記昔鄉居豎在官門解魚臺風偃草

道光乙未制軍命將弁堵私販於石埭之釣魚臺八九都八敵二約期械鬥余遣僕充作相者連人便相說

以利害乃不敢動人無知者

氛消蠹海戶焚檀

余守蘇辦海蠻聚眾二案擒魁散脅父老

焚香以迎其解散軍船水手但戶諸事皆消於未然人亦莫知

鼠非變虎除凶易虺盡

成蛇制毒難疾痛漸增籌策少山中日對白雲看

惟百暗隸以

待六軍

聞豐工新隄復圯

兩年邪許築咨傲

聖心焦又潰王嘉障空勞賈魯挑蟻誰防小漏蛟莫斬  
長橋兵食艱難會何由慰肝宵

題檀春林茂才

時達

紫荆圖

末俗薄天倫手足若冰炭翩翩紫荆花笑煞留田畔  
龍溪有五常真氣溢閭閻漁樵雲水親耕讀利名淡怕怕  
出花間看花花爛漫對花飲醕酒交祝添壽算誰云戎  
馬喧夢已紅塵斷直如桃源中不知晉與漢我家丹桂  
株六枝折其半每逢庭花開三老花下嘆不願門戟排

不願腰綬燦願如三台峯並立不離散

二犬隨至高廬塘戲題二首

義犬戀主人追隨若綱紀我非拔宅來吠聲亦雲裏  
我聞渠搜國露犬食猛獸虎豹憾當關能否并力鬥

公浩齋詩續稟

貴池桂超萬丹盟

恩觀泉鎮軍長防堵九江鍾小亭舍人淮團勇揚

州金菊仙太守雲門調守黃州呂鶴田司空賢

基徐鏡溪司馬破山練勇江北臧牧菴觀察紆

青帶兵桐城陳柳坪太守宗元出守吉安先後

聞其殉難不勝痛哭詩并弔之

捷書久待報雲岳褒卹驚聞有鳳函山中音信不血戰

幾人如下壺鍾城雨通怒濤終古咽彭咸忍呂徐皆援

袍地下應爲厲騎尾天邊會掃欃惟冀神兵全力擊勝

於交趾畏蘇

緘蘇緘泉州人殉難嘗州死爲城隍以兵退賊元宋史

寡難敵衆令空嚴或出奇謀亦剪芟岳帥氣吞連馬陣

謝家兵布八公巖是爲鷹擊飛禽散否則豚驅飽虎饑

大海茫茫填片石傷心精衛苦辛銜

諸君皆以兵少致敗東方朔客難

豚咋虎至則麋耳

汪柳坡茂才林入山見訪贈詩答之

君是團圞月清光入我扉詩情千尺水古調十三徽長

語寒燈燼愁懷亂葉飛欲歸詢後約言待蕨苗肥

嗟哉行

堯犬被蹠攘犬怒吠聲厲如何入蹠門見堯還反噬行

人遺虎吻骨肉嚼如粉如何爲佞鬼迷路先導引嗟哉  
暴寇掠平民使搃礮石充前軍不知倒戈雪讐恥甘作  
鴟張從道人

閩張玉田廉訪同年

照字

以退舍服法哭之

將兵死法不死綬謂圖後效計已非同人尋國同譜恥  
寢門寤哭吾何爲惟念西寇始萌葉請兵一萬往殄滅  
當時若用徙薪言何至萬人爛頭額

君在粵請兵討賊  
爲鄭中丞所格

君從粵國遷廈門小刀會匪紛鯨吞赤幟一揮天網下  
逆鱗入金烹其羣喚首助逆勢相抗逆書求把渠魁放  
雷霆震怒杖殺之巍然海濱一保障後來潮孽扇餘腥

無人勦絕茶生靈卽今大厦思扶傾亭亭孤柱難支撐

將弁落落如晨星猶降孟獲謀背城

時兵已星散廉訪以計降孟雲霞增

兵二萬與賊鏖戰

若論前功贖後罪縱加譴責非上刑惜哉疏

救無公卿

寄從姪穆堂比部

迂街二首

聞道郊畿警郎星散玉京苟求臨難免漫說見幾明軒  
鶴詎空豢燈蛾况易傾劫哉勤爾職持法在心平  
癡叔抱痾退時無戰鼓鳴今猶垂短翼憾未請長纓鴻  
鵠遙天去豺狼滿地橫寄言諸上將奮力進奇兵

山中敲冰煮茗



堅冰已兆履霜餘，寒谷嚴凝此寄居。  
爲煮鳳團排石窟，漫驚狐聽鑿銀渠。  
調符蘇軾傷磨蠍，傾枕盧仝感蝕蝓。  
我學王休遺世外，澆喉還讀治安書。

哭江岷樵中丞

忠源

殉難廬州

士際敷文世，陰符卷不開。  
一麾先虎旅，四海此龍才。  
忠悃全家奮，弟忠濟忠潘皆將帥才威聲百戰來。  
鄉居練勇屢平巨匪前在南昌堵禦戰功忽聞雲棟折，風雨萬山哀。

高盧塘度歲二首

日日深山看晚霞，  
閒中那覺換年華。  
雪消檐際千門雨，  
冰結枝頭萬樹花。  
借箸無謀慙負

國薦宗不與感離家願教寰宇如茲土  
鼙鼓聲銷爆竹

諱

此是仙壺景物嘉別開天地種桑麻  
黃童解授龍頭杖  
白叟爭貽雀舌茶  
新歲柏椒邀痛飲  
古風懷葛黜浮誇  
夜聽阿買書聲朗  
又在雲中坐絳紗

携姪連姪姪  
孫本想讀書

人日立春大雪高  
慮塘觀儺

人語晨喧鞭土牛  
仰看天上開瓊樓  
瓊樓高處天神降  
掀天金鼓揚戈矛  
絳旆飄搖逐遊隊  
勢鬥玉龍鱗  
甲碎黃金四目何支離  
古禮圖驅厲疫退  
嗟哉西寇殘南方  
爲民大厲非尋常  
矯誣明命侮蒼昊  
毀滅聖道傾官牆

誘人奇表百魑魅噬人血肉羣豺狼鞭笞神祇絕壇廟  
改易日月無朔望蒼黔橫擄擔虎礮父子等夷呼雁行  
豕身彭生無此毒羊肆伯有無此狂苦難斬於鍾馗之  
利劍焉能銷於方相之朱裳願叩天闈乞天將雲車直  
下掃塵障人厲絕跡鬼厲消有如春暘照雪上

山中詛言寇至

寇亂何鄉是樂郊詛言猶到此衡茅可能化鶴歸蓬島  
煙樹茫茫擬結巢

書聲

山靜絕人語書聲出蓬戶天風捲作雲醞釀散時雨

春遊杉山四首

此生猶結此山緣，夢想尋幽七十年。  
馬嶂風高搖翠鬣，龍池雨沸散珠涎。  
境從天上開平地，僧在雲頭種大田。  
食力不求檀越助，朝朝汲飲是廉泉。

池上名山數九華，誰知僻處好煙霞。  
龍團味雜珍珠菜，鶴影飛連白玉花。  
蓮座脩成真佛國，槐源安住是仙家。  
幽人避地宜停趾，底事搖回洞口槎。

勝地千年靈氣留，天都而下此丹邱。  
平分南北雙龍脈，疊起雲霄五鳳樓。  
峽過螭腰開玉帳，岡圍雉堞固金甌。  
吾家門外三台秀，遙溯根源在上頭。

四時春色萬株杉六月秋風早到巖好放峰頭高下眼

愁看江上去來帆臺城赴難思溫嶠禁暑談兵幾畢誠

當日皖山黃父守扼喉天塹亦嶠函宋黃勉齋先生名幹守皖金人破黃

川等處皖以戰守有備得全人稱黃父

寄劉元國觀察成萬衢州四首甲寅春初

熟識金衢路曾經一葦杭夢魂來訪舊把晤幾登堂淡

泊官如水孤高性似薑時艱勤五練夜夜枕戈防

哲嗣藝林秀春風噓翠螺還鄉逢暴客入室欲操戈感

動天神怒消彌人海波君長嗣蘭敏司鐸富塗因公車同里有希犯受官嚴刑疑其闕

說欲殺之適村迎神大顯威靈乃免因知全浙幸福曜截么麼四鄰皆亂而浙獨全

欲防心腹寇扼要在咽喉徽國如磐石嚴川握勝籌戰  
須并虎力界莫畫鴻溝痛切當時病分疆各自謀

傷哉恩總鎮身化九江濤子共衝河楫兵嘗越水膠或  
嫌紆策少可愧荷戈逃狡魄歸何處秋風爲怒號思觀泉由

蘇參遷衝鎮與士卒同  
甘苦調書春殉難九江

連穠九姪爲義學師課藝刪改得法詩以勉之

裁雲吾妙手學者仰仙心邇家章京元柯文林兩野經  
禮郁茂才屢請刊余少時藝

今喜階生玉還能石點金步艱憐卻克經富陋唐林

唐林明經而仕於此程人  
姪深師之姪自幼有跋忠教法參禪法工夫面壁深

吳吳驍南制軍文銘殉節楚北

全浙撐持歷萬難，聞疆危轉泰山安。兩處會匪俱平何堪亂後

移三楚空冀軍中仗，一韓身作箕星餘浩氣人思廉吏

有忠肝更傷梅嶺論文地，化鶴歸來故里殘。余昔硯耕邪上君來

詞業今已不堪回首矣

### 連奎大姪兩至西山省視

炎風酷日陟嶙峋，來問棲雲枕石身。爲報虎狼遠蹤跡

莫教龍馬損精神，窮鄉設塾談三輔。謂在樂設學屬郡衙四鄉義學

文憶七閩，汀郡延姪校文都是昇平閑雅事，燈前回首總酸辛

### 山中卽事

僻地堪停處，士星閒閉桑戶晝常局。蒼松喧雨千山響

紫東迎風十里警編起  
鵝翎逐蚊蚋撥開蛛網救蜻蜒  
獨愁莫解蒸黎厄空奏飛章乞百靈

山中立秋

深山秋氣早沉是落梧時  
病肺金蟬撼愁心鐵馬知搗  
衣聞杵急洗甲挽河遲  
肅殺應乘令招播速誓師

聞賊下鄉索取生龍

神物焉能入網罟捕風捉影勢  
熏蒸鳴山可得黃金化  
擲水空聞白玉騰靈種  
豢歸劉累亦真身  
驚死葉公曾  
我所生致按昏窟一洗城狐作沼鯤

金蘭舟拔萃 秉彝 自城避鄉訪至西山



水怪逐江帆人如走兔兔彭衙逃杜甫漢臘守陳咸穿  
樹認茅舍梯雲上石巖最難逢舊雨氣味合酸醎

山中閑遊

這避魑魅路來親猿鳥羣眠松衣濺露踏石履生雲霧  
隱馴文豹風涼散聚蚊憑高望城郭何日息煙氛

聞湖南曾滌生宗伯

國藩

奉諱家居倡練義旅收

湖北郡縣一日攻復漢陽武昌二城作此奉寄

師興墨經救鄉邦天上將軍下楚艘六勇傳薪人敵萬  
重城拔幟士無雙川流杵血連潛漢賊屍蔽江而下家備壺漿  
遲葛龐我擬執鞭隨祖逖欲飛病羽鏖荒江

贈吳鼎文孝廉 丙吉

活國人還活宣公德藝兼君精和緩技家仰務夷廉乞  
藥盈花徑回春到草檐不知沈痼世何處下鍼砭

山中逢閏七夕

狂寇不到處家家無別離舉頭望槎客隔水問星姬曾  
續烏橋夢重齊鴻案眉可憐殘掠地綠斷再生期

甲寅八月聞官兵從徽下建德力疾率子弟以從  
燕處危堂勢就炎忽喧時雨救窮檐老餘驥志鞭羸足  
人說龍刀閃美再武顯靈馳敵夙欽狼驕勇疑珠難溷伏  
波廉諸君除寇知除草莫贖根芽地底潛

寇入石埭家鄉一廣文錄卒勇守險戰敗赴水哭

之

報

國渺無路周侯死所難鯉溪驅義戰雞肋一閒官侯選司謀  
雲氣成愁陣風聲激怒湍化身何處現金粟月中看

感事

何日雲塵到石城區區孤掌詎能鳴赤天雨斷雷偏震  
黑海風狂浪肯平誰牧羊羣驅虎吻自營兔窟畏盧令  
時大兵進回不進官池者適入鄉封選論士民團練殺賊不知練勇應官爲政又須官軍助勢徒使貧弱之鄉以錫誕當兇鋒是謂棄之

九重久望蘇惟悴曾有龔韓樹德聲

哭向欣然經絡 第二首

向寵真飛將芒鞋救桂林

公在粵料匪撲省垣由間道草笠芒鞋枵腹兩晝夜奔救

孤軍當百萬來據蔣山岑

匪陷金陵家稱百萬公自九江接經畧關防率兵萬餘直趨

而東連奪數十營據鍾山之勝

吳越資屏障鯨鯢已釜鷲計期櫓尋掃

怒痛大星沈

彼蒼應厭亂胡喪虎臣多湖上傾孤塔

塔軍門齊布與曾星使同心戮

力戰輒先登卒於鄱湖

天邊問大羅

羅觀察澤南由諸生從曾星使倡義身經二百餘戰收復

二十餘城戰死武昌城下

又聞宗澤訃誰奮魯陽戈回首燕臺聚茫

茫一逝波

癸卯新建通永鎮余奉委小地相聚甚歡

山中三老詩

余避亂深山遇有三老一爲南園萬振明一爲元阮汪廷正一爲魁山韓馨若皆質實端正情誼纏綿真竊皇上也詩以記之

仙源流出落花紅引我巖栖三老翁杖竹白雲生足底  
臥松明月入懷中鼎言解鬥披朝髮尊酒留賓摘晚菘  
五柳高蹤去千載今茲猶見葛天風

馨若後年八十  
四殺賊而死

哭三兒連瑄

嗟余薄德歷嶮嶽又使階前玉樹沈文字嘔肝精氣竭  
亂離嘗膽暑寒侵病中神作衝鋒馬夢去魂爲填海禽

淚洒錦囊遺句在天乎能勿痛人琴

兒有誓志生難並全忠死亦甘之句

東族長煥宇文

超然

祭酒宗祊四十秋飄飄鶴髮不扶鳩心如菩薩天然好

人是神仙地上游家塾頓興謀燕翼

時促族人延師

泮池重宴

仰龍頭隨班我附坡兄後三老圖中勝事留

嘉慶庚申吾族五人

入泮垂六十年今存者余兄弟暨族長三人鸞兄徽繪桂氏三老重游泮水圖

馬家山竹園避暑

塵囂渾不到六月有秋聲雲臥林爲幄岩居石作城露  
宜仙者飲風是聖之清下界喧鉦鼓何人夢弗驚

義叟行爲同邑韓雲奇作

并序

雲奇居貴池之東二保年八十八有子六人其  
六子有膂力投賊作僞檢點過池歸省叟郊迎  
數里寔於家命子若孫侑酒并親酌以大觥而  
子已不勝杯勺矣於是乘醉縛殺之其從者三  
十六人亦賜酒飲鳩死無脫者余聞之作義叟  
行

義叟天上老人宿子星孫星躔次守中有子宮第六星  
竄入天賊僞官授虎而冠者猴而冠錦衣夜行何人看  
前呵後擁三十六列騎成羣歸故山山中義叟瞑轉喜  
郊迎蘇季二三里下馬投拜笑顏開自詡蘇瓌有子矣

入門封豕還烹羊鋪陳綺席開華堂大言兒爲門間光  
命子命孫皆勸觴親酌大斗情若狂儻從賜宴東西廂  
杯盤狼藉燈輝煌門外觀者如堵牆怪他平日嚴義方  
趨炎助虐何失常詎知深夜乘醉縛手刃猩猩頭已落  
從者亦飲潰腸藥三十六人無免脫義叟今時之石碣

至新安大營呈張小浦東堂

前

決勝端須合衆謀集思公學或知侯白頭漫獻遼東豕  
擬招降石 青眼翻誇冀北騶法說應教頑石轉網張終  
逆一稟 見逆鱗投卽排虎陣傾狐陣直搗江州至蔣州

聞盧鳳金廉石觀察

光勛

斃死弔之并弔宿州郭



刺史 世亭 二首

金風多肅殺屠伯亦干城

君學周制軍天爵治法好殺而治亂民頗宜 重典

懲民亂偏師奪敵營令嚴旌變色威震草皆兵虎穴胡

輕入哀哀斑馬鳴

符離有仙吏肥水結芳鄰

初金在盧與郭並名 廣漢威除慝劉寬

德化民斯人真翹鳳無奈又傷麟殘寇紛如蝟何時息

鼓鐃

懷連珂姪都中

征鴻北嚮記春三虎口離開夢亦甘莫陟金臺回首望

漫漫血海是江南

聞粵東嘆夷糾佛郎諸國入城作亂憂切成詩二

首

寇滿三江接兩淮又堪海外起塵霾撤防虎嶂門先啟

虎門砲位安排最當寇不能入自琦帥撤防夷始肆志許市羊城亂已階王寅和議許入

年後絕域征難馳鐵騎化疆棄豈例珠厓時危安得擊

天手善用恩威萬國諧

林帥人言寔孔明時稱賽嶺南草木識威名果船投餌

擒渠寇初英夷獨抗煙禁探知英帥柏麥酷嗜水果遣弁泛縱賭之乘間擒至英始遵令惟求犯者交

同自戮林帥不從茶價增緝養水兵時募水勇數萬缺以此相持未定

政先到先售不准越次增直讒口不教停玉節邊疆從歲至于萬餉足而商亦利

此壞金城誅求況飽貪狼腹啟侮能無再敗盟

戊午駐七井山辦團八月廿日後賊屢攻卡賴山  
勇堵禦四旬得安詩以紀之

巖巖險越劍門關殘賊緣梯漫欲攀五夜驚魂風鶴裏

全家窘步壁蝸間若非白屋千丁奮爭敵黃巾萬甲環

人倚沈彬扶六局

六品銜沈雄  
飛紆圍督守

我期江統掃羣蠻時石

甚江總戎長貴來敵軍法整肅戰勝得全余  
移書請包抄夾擊頗然之時人呼賊爲蠻子

哭溫伯屏觀察

紹原

殉難六合

百戰孤城守強哉溫太真五年寒賊膽大令是天神隄  
岸忽穿蟻官民齊化燐慘聞深夜哭翹望雪仇人

哭李迪菴方伯續實殉難三河二首

羅星還碧漢人倚李長源

方伯與崇禎羅山觀察周晉星使倡義羅死後後統領

其象屢建奇功練士威如虎登城捷似猿斬蛟清楚澤熏鼠掃

潯垣蕩平楚地克復九江盡殲賊衆痛絕三河地今爲五丈原

屠賊如屠豕長江流血紅雙旌越潛宿一鼓下舒桐羣

切來蘇望行成破竹功胡爲倚常勝輕敵入牢籠聞爲盧江

偽軍帥陳惟一所誘而敗

哭四兄四首

八旬眞瞬息從小藉觀摩詢事狐疑決論文繭緒多卽  
今聯井里共勸執干戈此後襟顏屢將如獨木何

憶昔分逃難星奔骨肉拋憾無龍作杖羨有鳥安巢度  
日朝餐粟眠雲夜枕茅人間非樂土泉下避咆哮

太白去千載詩家此大宗嘯開方霽月登到最高峰我  
亦行空馬難追騰漢龍傷哉嵇散絕誰覓廣陵蹤兄著

內房詩人謂  
太白復生

仙心塵俗絕長笑作盧敖回看經帷冷還驚苦海濤蕩  
蒙豚犬死兄子不肖而亡燬室虎狼嗥只望童孫立雙飛起鳳

毛

### 感事二首

途窮日暮渺愁余千里江鄉難未紓燕壘可憐殘毀盡

海波災又及爰居

焚我遠廬劫我囊賊渠誅賊性猶良廿年薄宦今颺泊

贏得清名動犬羊

賊焚吾廬賊中有揚州數人爲之不平言於賊首胥誅之

黃山嶺卡既失山中不能駐是將挈家由東壩奔

蘇潛然賦此

頻年守隘殺龜狼狙伺鷹來示及防管敢爲好傾漢將

隣有土匪謀害敵之使率衆而來引之由旁徑而入賀瀾弗救陷睢陽余求援大

遣張馬二將分道救之張欲前而馬不進空教曾涑嬰盟急曹上舍克寬糾

最痛檀敷取義亡

檀文學時達督勇力戰遇害

衰老豈甘辭故國鴉

鷓入室逐鸞鳳

讀朱伯韓觀察琦怡志堂詩續集用集中疊和東

坡海市韻贈之

郭衛聲作元音空放蕩肇自隨園中和者靡靡半天下  
我欲上訴鈞天宮吹起塤箎扶大雅人云曠拙師延工  
豈無志士矯時好葉公所好非真龍世有真龍似東野  
爲雲願學昌黎翁善哉朱雲祈五鹿鳳凰應律鳴雌雄  
正聲終古詎歇絕吾道不孤運不窮清澈冰壺月皎皎  
和噓暘谷春融融幽如萬松響綠綺變若六管開黃鐘  
時方用武掃狐鼠鷹揚已養毛羽豐太白泥塗拔郭相  
詩人心鏡懸青銅

君致向欣然拔  
張殿臣兩大帥

君舉二帥功亦偉鏤

歌再奏揚

皇風

君有頌本朝武功銘歌

東彭雲堦都轉玉雲錫山

西寇百萬趨南邦虎狼夾岸鯨塞江

賊船蔽江并南何北兩岸夾行

人敢戰躡其尾揚無敵後向無雙

揚忠武公遇春亦號揚無敵時向忠武有

向無雙之號

邇日蓮池賓客設彼泉我寡心膽懍彭宣林下

奮袂起疾赴戎幕同奔瀧壑兵集訥順流下直奪鐘山

揚旌幢七十侯羸曷希冀義氣填膺忠滿腔饋糧不絕

倚蕭冠運籌決勝師葛廳夜半磨盾草羽檄揮使大筆

如長杠惜哉中道將星落江頭金鼓猶錚縱軍需報部



動詰駁使君留滯停歸艘可憐耄耄對孤影手理文牘  
挽寒釭我來避難憇茂苑握管話舊驚魂撞憶昔金臺  
逐鷓鴣黃梁一夢回吟窗嗟哉人生萬事皆幻夢所難  
實德及人人心降自君東南佐屏翰吳越至今無吠尫  
我聞家家繡象祀經畧亦宜供君生佛雕龕扛捧觴萬  
姓卽孫子何異雞鳴鳴佩琤錫山高處生蘭芷惠泉煮  
茗聲淙淙陽春且釋鄧攸恨會圖良晤傾千缸

在滬聞會滌生星使胡潤芝中丞

林翼

克復皖城

賦成四首

粵賊飛來據大江憑誰威略定南邦鳳凰岡畔旌初下

鳥雀籠中影亂撞，冠似思循身盡粉。將皆賁黜鼎能扛，誰知主帥輕裘襲。儒雅雍容佩五璫。

楚帥公忠憤滿腔，不分畛域下輕篋。

潤芝官保以平寇爲已任越境出師

李綱義氣兄誓雪。

李希菴方伯績宜迪菴方伯之弟銳意爲兄復仇爲

國敵楊業

威名賊膽懍。

揚厚菴提軍載福領水師號令嚴明

鳩水魚遊歸翠釜，鳳臺

蛾灼墮銀鈿。

燕湖金陵當

還期各路殄餘孽，兩浙三吳

靖夜彪。

我昔當車奮食廐。

卽蝗

蘭溪借箸對秋缸，議趨皖國鋤

飢寇爭奈徽軍返繡幢。

甲寅秋徽師下建德余請乘晚賊乏糧潛行渡江破之

多

智江道恩佐浩稱雄吳漢誓誅龐。

時江良臣遊戎吳定州守府皆聽余言主

將持重終退  
靡卽靡前

弈棋惜未爭先著  
雨血橫流泛怒龍

家山失險走吳艤  
鷲鈍無緣附駿驄  
只望石城擒滿四

用明史項忠誅石城酋  
滿俊事貴池亦名石城  
一揮羽扇斬王雙  
閩陳西服士  
狗已豕

民饋食歡迎路婦孺  
觀儀笑倚窗  
夢裏我還書露布  
人

誇枚叟筆如杠

用三江韻望其平蕩三江  
也傳聞雖訛此爲先兆

葛鐵生廣文

其仁

爲慈溪虞孝女徵詩題此

并序

孝女名賢亭父錦堂  
備寓吳膠病臥樓上  
不戒

於火女往掖父樓  
圯同死時人哀之

君不見仙姑之父鐵  
不鎔翻身跳入紅爐  
中須臾滿冶  
莫邪躍履浮爐面  
騰青空又不見曹娥  
之父墮江心投

瓜江裏隨瓜沈手抱遺骸拂波出蛟龍辟易無敢侵民  
之於仁甚水火火烈人畏逾坎壻只憑一點孩提心入  
水入火無不可嗚呼安得普天男子皆爲虞氏姝來救  
君父急難忘其軀

送同邑陳潤霖茂才銜從軍新安

矯矯陳同甫奇懷鬱未開金戈枕星月玉册啟風雷生  
書山寺雷雨牆圯得吳次茅店聞雞舞鹽車困驥才何  
尾先生所藏兵書數卷人知國士三沐出塵埃

養浩齋詩續彙卷五

貴池桂超萬丹盟

長沙徐漁城封翁夔 閩學使壽衡侍郎樹銘 太翁

也以詩見贈奉答

天使倫才閩海清文昌垣裏老人明榮封八座仍黃卷  
寶聚三湘匪白珩憂

國腹兵思殄寇傳家心秤要持平小言漫許齊韓杜善

善從長愧過情

來詩有文草推李杜  
經濟繼蘇韓之句

張辛田明府用楮 以七十自壽詩索和贈之

君不見翠鳥有羽羅網張黃鷹獵逐因懷香文人自古

憂患集盛名之下坎壈藏君從少壯播文譽立可通顯  
要金章屢舉屢黜怨落瓠三仕三已留甘棠行年七十  
滯閩嶠仍耕硯田收貧糧回首曩時舊遊處歷歷槐柯  
春夢長穆生慣飲楚元醴杜老直登巖武林并此遭違  
不再得磊落抑塞誠堪傷我亦避寇來遐荒梯山航海  
餘空囊大壺填壑何足惜只恐全家歸首陽嗟哉我不  
能如周家大老之膺揚取殘除暴清四方又不能如漢  
家老臣之平羌屯田養士綏邊疆家山守險不克保憂  
虞困厄分所當季子挾策或終遇邵公臥雪曾不僵人  
生萬事天作主與君固窮守其常坐待昇平還故鄉

丁述安觀察

日健

以治臺實蹟見示贈之

蠻荒好亂互鯨吞  
守望君聯遠近村  
渤海弄兵教買犢  
朝歌利器斬盤根  
棠蔭美謳郇召榕  
苑鞭停老逖  
現聞說雞籠羣蟻鬥  
翹瞻龍節七鯤屯

丁平川觀察

杰

以送義士趙虞三叅軍

殿榮

回里

冊子屬題賦此

平川避難遂安窘甚  
遇趙贈千金得濟感其高  
誼爲援例得參軍  
以淡於宦情告歸徵詩送之  
鮑叔分管金久交知其才子  
敬指瑜困飲醕素心諧幾  
見解逅間遽投千金來風塵  
識國士慷慨輕家財英雄

兩相遇固結無疑猜言期平大難拯民出殘灰樹德匪  
爲私志意何恢恢受者感殊施引之入官階高人有遜  
思尊榮非所懷桓桓撥亂手小試松源回還望展經綸  
及時奮雲雷大海戮鯨鯢中林驅虎豹書勳在竹帛畫  
象登雲臺持此爲厚報豈不勝瓊瑰

辛酉春末拜祭林文忠公祠墓後傷感成詩卽柬

其三公子聽孫員外

聰彝

我去南閩歸南江閱十二年如急瀧世事高岸變深谷  
重來春夢回蕉窗憶昔尊公事西討霞漳迎候停麾幘  
掌握勝算羣策集肩擔重任崇鼎扛希文行帳堯夫侍



腹中兵甲同撻撻粵東巨盜望風散勢驅豺虎猶驅虓  
傷哉劫運不能挽落鳳坡前星隕耀滋蔓東南久糜爛  
乾坤大半皆昇逢我無樂土避險難建河亂石穿孤艤  
忽聞蹂躪到汀郡三山亦復成危邦山上見碑泣叔子  
拜告用禱陳蘋苙明水一勺印心跡還求仙佩來琤琤  
張巡作厲安賊滅蘇緘報怨交人懣英靈在天志在  
國願糾天將馳戈鏖微枕默禱若有應雲際直下追風  
馳君亦天才意承考醉我醅醪傾玉缸胡瑗薦之行大  
用合掃塵墮清紛咄

時胡潤芝官保以  
聽孫薦達天聽

丁平川觀察

杰

贈詩四章步韻答之

從來劍氣九霄凌化作雙龍合亦能最痛家園天雨血

咸豐五六羊間敵練田  
流血水有從空限血者那堪人事谷爲陵瞻星北斗光

明滅聽兩南閩老瘦增幸遇唐衢同一哭熱懷相對夏

雲蒸

聞道巖灘昔泛航曾逢趙勝意深長周貧遽解千金橐

樹績期爭二曙光趙虞三贈千金  
期以安民滅賊小試松源看驥展果

除蔓寇靖蜂狂功高不賞何須較已有英名播大荒

濟時須趁服官年矢志澄清任在肩海嶠羈栖方息影

邊陲震動正需賢聞雞早舞劉琨劍勒馬方停祖逖鞭

壯士不逢蕭相國坐看髀肉涕潸然

投我新詩金石聲挑燈夜誦雜殘更漫誇下策齊充國

來詩有誰解斧柯任充國之句卻抱深憂作賈生杜老決難爲稷契來函

云方信詩身覆契非詩人虛語蒲輪徵不到躬榮漢明帝時李躬爲三公桓榮爲五更但

思一醉中山酒千日醒來世已平

毓均叔觀察彬來任閩省糧儲以嗜殊軒詩見示

### 賦贈二首

共楫三吳歷幾春不知循吏是詩人海州爭比蘇州例

韋白分身作後身蘇署有例詩軒因蘇州太守例能詩之句而名余守蘇時君牧海州

太息人生在夢鄉君詩說夢夢偏長老來後夢勝前夢

總夢邯鄲前半場君詩以邯鄲夢翻新者甚多人謂之毓邯鄲

辛酉夏中思江浙潰敗之由感慟成詩五首

張詠善置器反側却歸順謝安善舉棋預知肥水勝置  
器求其安舉棋欲其定桓桓鄭畋軍守宣肅號令兵勇  
皆獬豸觸邪不觸正始至賊猖獗誘擴到提鎮一收潰  
散卒奮擊象力併吳越咽喉地扼之使清淨奈何棄長  
城開門揖梟獍紳民遮道攀慟哭送出境從此半壁裂  
處處成陷阱誰實効之去胡絃貪冒甚誰不爲保留剛  
復是何進已未夏五過常平太守告以浙燕胡興仁効  
鄭提軍魁士交何官保察看余言鄭公向不  
相識當鄧提軍燕燕軍失陷之後來收潰卒戰勝得全  
庶功甚偉今過東橋訪聞兵勇秋毫不犯民甚愛之隨  
不可動至舟中又以此人去留  
實關大局復致函叮嚀不聽

廉訪趙名將入楚便無功人地各有宜違之失英雄善  
戰周將軍紛擾縱羅熊數載守廣陽卻屢摧兇鋒年久  
徑路熟將弁頽和同兵驕不爲害紳士交情通一朝移  
宣州兩地爲沙蟲人人知魯削遷地非良工一誤敗塗

地當路何夢夢

宋間移石埭守將周天受于宣心甚憂  
之逾月石邑三營覆沒三十六將淪亡

涇太廣  
德旋失

徽宣資浙餉匪曰親比鄰養兵嚴堵禦實以捍重門大  
門鎖鑰固門內何欣欣我曾持此議往告羅撫軍撫軍  
深然之羣議阻紛紜謂宜顧處分緩處且逡巡誰知外  
戶墮萬命化爲燐藏珠願剖腹珠得歸何人但思保其

位不思保其身

繆都轉葉觀察謂應解有處分之餉  
徽宣無慮分且綬枕破二君皆死

威如戒無備盛時值大有詎當紛亂秋具不備戰守我

意三吳中干城聚赴赴有警倚桓侯

謂張副  
帥國梁救應叠奔

走大帥婦寺忠支餉進奉厚兵受兩月糧充作三月糗

和帥與何帥商支五十萬餉進奉以後四  
十五日發一月餉聞尚未進奉爲賊所有賄入假威狐

賞漏竊功狗彘目誰敢言怨氣已冲斗彼在燕堂喜我

愁馬索朽匪我獨明哲閱歷古今久爲念昔時人乞言

禮黃考

昔讀胡公疏

潤芝  
宮保其歲在強國請奪昏帥情墨經治軍

旅諸軍亦統領操縱得所王我師勢盛時大勳成一鼓

憤哉柄用遲荒邑作開府

駐節祁門

批亢我圍皖搗虛賊襲

楚左彭才如龍

左季高京堂宗棠彭雪芹觀察玉麟

楊鮑氣如虎

楊厚堯提軍載

酒飽春雲提軍超

李晟社稷臣

謂李希奄方伯續宜

前攻而後拒倒懸三

江民望之若時雨大局孤且危兵食運籌苦萬一少蹉跌義旂誰再舉籲天告百神護此擎天柱

孔雲鶴觀察同年

昭慈

以救林密卿鎮軍

文案顛

末見示詩以記之

林爲彰化巨族鎮軍少豪俠得衆心率衆殺父仇仇家控于京誣以謀逆大吏欲勦之觀察時理鹿港察其情憐其才爲緩其事越年守臺郡

爲剖白詳銷至粵賊犯閩邊調林隸曾藍田提  
軍玉明營曾號令嚴明能用人林亦樂爲之用  
戰功叠着漸躋崇階閩地又安頗與有力故記  
之

懷光本勤王激之畔朝廷李勣少無賴用之爲長城勝  
敗分一著世事猶棋枰林君長豪族藏甲而練丁嘗膽  
報父讐擅殺干典刑神君孔奐來察隱憐孝情爲留有  
用才百計全其生檀溪的願馬報主三丈騰焉有血性  
男肝膽不一傾果然出敵愾奮擊揚秋鷹曾銑古名將  
荷任如股肱勳多級漸崇專閩屯精兵回思訟獄起若



便誅戮行不惟保障失翻恐變亂成海外何以靖巖疆  
何以平知人民乃安豈不貴權衡願效汾陽忠無負謫  
仙明

聞曾節相介弟 國荃 開藩吳會賦寄

挺生名世仗湘靈鳳翹鷹揚起一庭花萼同心開捧日  
縱陽掃穴聚占星合爲四海中流柱分作三江大國屏  
從此東南胥底定全憑武緯與文經

哭胞姪連璣茂才以團董被執不屈與婦姚氏罵  
賊同死并痛同族盡行被難

謝家幼度本超倫罵賊臨危正氣伸草檄陳琳團象志

姪草圖約人比  
之陳聯檄文

知兵孫臏苦孤身

姪博覽兵書時團勇  
已散以足疾不能脫

可憐大海填波鳥還擊深山化石人更痛全村淪喪盡  
畫看白骨夜青燐

聞梅村一帶有犬食人傷之

田無牛耕野無雞鳴狂獠亂吠犬作豹聲犬無人飼胡  
爲得生體何肥碩狀何猙獰狀貌非本來化爲當道豺  
卷舌舐人血張牙齧人骸犬眼赤犬尾伏食人慣見人  
撲晉靈之葵奚嗾爲趙盾雖逃還尾追卻不噬賊噬行  
客助賊殘害犬亦賊瘳狗之尾  
伏而不動

奉賀徐壽衡少司馬樹銘重慶承

恩二首並呈太封翁笏亭先生

國朝

封翁漁城先生

南嶽金臺接九重，老人峰外起高峯。百齡荻教歐傳學

笏亭先生受學於百齡節母

三植槐柯祐受封，禁署籍咸皆俊彥。

雲渠

太史爲漁城翁同懷弟

家風奮建總溫恭，遙知拜

詔郊迎鳳，不用扶藜健似龍。

天上文星照海疆，壽星聯耀現重光。官衣分錦霞爲綵

宸翰懸珠月滿堂，厚德備知培八代。

學使謝恩指有格八代之遺編句

名賢今盡出三湘，要教寰宇平如砥。禦亂羣推楚寶良

王孫固曰金足以禦兵亂則寶之

梁愛蓮太守

卓英

以興壻司徒伯芬觀察

緒唱和

玉屏別館半開牡丹詩索和贈之

仙葩聞道出榕林，孕得奇香散滿襟。  
千古文章有真種，一生富貴不能淫。  
色魁海國雲霞噴，神養花天雨露深。  
瓊島知君春未艾，冰姿玉蕊鬥芳心。

哭胡文忠公

林翼六首

誰似胡安國，公忠四海知。  
賢才搜異壤，貪墨伐同枝。

鄂以

撫劾同族浙撫與仁言其  
鄉評官聲平常難勝要任  
畫地規全局，回天奮義師。  
爭教歸碧落，不使靖潢池。

到鄂艱危甚，全疆未息烽。  
毀家招虎士，誓衆復熊封。  
官吏無苛政，閭閻有正供。  
只今千巷哭，不獨相停香。

帝匱軍需急如何救療凋榷商壓不擾減賦用偏饒妙  
算兼濟晏雄才邁管蕭敷施功未竟嗚咽楚江潮  
選將收羣傑齊心如一人戰功勞績讓推解性情真實  
獲干城用都成骨肉親李平泣諸葛況共澤袍倫  
寇亂無完圉遑知鄰寇深自公唇齒顧越竟虎貌臨或  
告侵疆誓終無返旆心古人誰可擬伊尹聖之任  
昔戡川楚亂亦挽十年弓上將俱難老謀臣總令終何  
堪摧大樹孤立泣元戎應率神兵助雲旗報捷紅

登鎮海樓有感

熟境都如夢裏經夢醒復夢幾時醒味嘗荔圃干珠紺

春駐榕陰四序青何策安疆聯萬甲

以實行民團議于當路

有才

濟蹇識雙丁

謂述安平川兩觀察俱閉居

如何六月飛鵬息不使扶

搖起北溟

哭孔雲鶴同年

昭慈

殉難臺灣四首

臺民廿載頌清徽銳意鋤奸轉挫威賊見慈君猶下拜

死依先聖直如歸

自盡在文廟

匪徒濫募陳餘誤

陳守錫誤聽林施兩

練首之言

招匪爲勇脅從全誅馬謖非

馬令廖劍出示擊一匪者賞銀若干

還是林

希歌舞夜賞春雄鎮百花園

林鎮軍向榮不肯出師

一生忠悃質蒼天遺憾無窮鬱九泉周處

國恩酬不得向平家事了何緣

兒女俱未婚嫁

哭師成殯諸生

義諸生爲之殞殞助戰傾資稚子賢昔嗣憲曾憲高俱未冠殷家助勦寄語海

隅同澤士共殲鯢穴莫遷延

小人貽毒善人亡世事難平問彼蒼懷險高駢甘養虎

彰化高前令廷鏡保逆首爲良民啟戎夏竦是貪狼道首戴萬生本充營謀夏參戎汝賢

勃索不送責草情極倡會作亂庸鴛任駕轅終債瘼狗連羣勢益狂練首

林大狗勾通賊黨可恨楊脩謀不用血流三代碧湯湯練總楊名脩言

募勇林顯虎與秋丞有仇不宜統帶又請增兵守八卦山皆爲馬高二令所阻致三代皆被害

海蠻膺聚最頑冥張角訛言煽易聽猶幸及時進鵝鸛

不然遍地起蝗螟人言一死重山岳身爲全臺作翰屏

拭目授師珍羣醜爲君雪恥救生靈謂曾鎮軍玉明洪觀察毓琛